

KOLEGJI "BIZNESI"

Nr. 213-1/25 Data 27.06.2025
PRISHTINË



KOLEGJI - COLLEGE
BIZNESI
Prishtinë

**RREGULLORE E
UNIONIT TË STUDENTËVE
të Kolegjit BIZNESI**

Prishtinë, 2025

Rregullore e Unionit të Studenteve në Kolegjin BIZNESI" është hartuar në mbështetje të Vendimit të Këshillit të Lartë Mësimor Shkencor, bazuar në Ligjin nr. 04/L-037 "Për arsimin e lartë në Republikën e Kosovës", Statutin e Kolegjit neni **21 pika h dhe neni 71, 72** në gjithë legjislacionin tjetër në fuqi dhe është miratuar me Vendim të Këshillit të Lartë Mësimor Shkencor nr. _____ datë 27/06/2025

Rregullore e Unionit të Studentëve të Kolegjit Biznesi

Neni 1

Qëllimi

1. Rregullorja e Unionit të Studentëve është akti më i lartë juridik i Unionit të Studentëve.
2. Rregullorja parasheh sigurimin e zbatimit të përgjegjësive të Unionit të Studentëve në mbështetje të Statutit të Kolegjit Biznesi.
3. Statuti përcakton kompetencat dhe rregulloren e Unionit, organizimin dhe funksionimin e organeve të Unionit, marrëdhëniet brenda Unionit, bashkëpunimin vendor dhe ndërkombëtar, marrëdhëniet e Unionit me Dekanin, Këshillin e Lartë Mësimor Shkencor, studentët, parimet e përgjithshme financiare dhe dispozitat përfundimtare.

Neni 2

Unioni i Studentëve

1. Unioni i Studentëve është organizatë studentore e cila përfaqëson interesat e studentëve të Kolegjit Biznesi brenda dhe jashtë institucionit, funksionimi i të cilit është i garantuar me anë të Statutit të Kolegjit Biznesi.
2. Unioni i Studentëve, përmes organeve të tij, kujdeset që studentët t'i gëzojnë të gjitha të drejtat dhe liritë e tyre, pa dallim race, etnie, gjinie, gjuhe, religjioni, orientimi seksual, mendimi politik apo mendimi tjetër, prejardhje kombëtare apo sociale, pa dallim prone, lindje apo ndonjë statusi tjetër me qëllim që të gëzojnë të drejtat dhe mundësitë e barabarta në kushtet që ofron Kolegji Biznesi.
3. Unioni i Studentëve mbështet bashkëpunimin ndërmjet studentëve dhe mundëson promovimin, mbrojtjen dhe zgjerimin e të drejtave të studentëve, duke luftuar diskriminimin, izolimin dhe padrejtësinë përmes fushatave dhe veprimeve të synuara, duke siguruar kështu përfaqësimin e studentëve në të gjitha organet vendimmarrëse të Kolegjit Biznesi.
4. Unioni i Studentëve lidh marrëveshje të bashkëpunimit me organizata, institucione dhe kompani të ndryshme me qëllim të organizimit të aktiviteteve të ndryshme studentore.
5. Unioni i Studentëve iu mundëson studentëve pjesëmarrje në aktivitetet e Kolegjit përmes organeve të tij.

Neni 3

Selia

Selia e Unionit të Studentëve është në Objektivin e Kolegjit Biznesi në Rr. "Bulevardi Dëshmorët e Kombit", nr. 5 Ulpian, Prishtinë -, 10000 Prishtinë, Republika e Kosovës.

Neni 4

Statusi

Unioni i Studentëve është organizatë e përfaqësimit të studentëve, pa subjektivitetet juridik, i cili përfaqëson interesat e studentëve, përmes organeve të tij.

Neni 5

Kompetencat e Unionit të Studentëve

1. Unioni i Studentëve i ushtron kompetencat e tij dhe ato të deleguara sipas kësaj Rregullore, Statutit të Kolegjit Biznesi dhe akteve tjera ligjore në fuqi.

2. Unioni i Studentëve ka kompetenca të plota dhe ekskluzive, për sa i përket interesit të përgjithshëm, duke i respektuar standardet e përcaktuara në Statut, në fushat që vijnë:
 - 2.1. Shfrytëzimin e hapësirave që ofron Kolegji Biznesi.
 - 2.2. Promovimin, mbrojtjen dhe zgjerimin e të drejtave të studentëve;
 - 2.3. Trajtimin e ankesave dhe kërkesave të studentëve;
 - 2.4. Organizimin e aktiviteteve kulturore, sportive, dhe aktiviteteve të tjera të lira;
 - 2.5. Çdo çështje që nuk është përjashtuar shprehimisht nga kompetenca e tyre, apo që nuk i është përcaktuar ndonjë autoriteti tjetër.
3. Kolegji Biznesi mund të delegojë kompetenca të caktuara për Unionin e Studentëve duke u bazuar në Statutin në fuqi.

Neni 6

Aktet e Unionit të Studentëve

1. Unioni i Studentëve harton aktet e brendshme të cilat aprovohen nga Parlamenti i Studentëve.
2. Aktet e brendshme të Unionit të Studentëve vijnë për qendrën në Prishtinë dhe dega në Prizren të Kolegjit Biznesi dhe përfshijnë:
 - 2.1. Rregullorja e Unionit të Studentëve të Kolegjit Biznesi
 - 2.2. Çdo akt tjetër i nevojshëm për funksionimin efikas të Unionit të Studentëve.

Neni 7

Fondet

1. Unioni i Studentëve ka të drejtë të posedoj dhe të menaxhoj fonde.
2. Unioni i Studentëve mbanë dhe udhëheq regjistrin e fondeve që ka në dispozicion.
3. Mjetet e ndara nga Kolegji Biznesi do të shfrytëzohen për interesat e studentëve, si për konferenca, seminare, botime të veprave të studentëve, revista, vizita brenda dhe jashtë vendit, me qëllim të krijimit të marrëdhënieve sa më të mira me organizatat tjera studentore.

Neni 8

Bashkëpunimi me organizata të tjera studentore

1. Unioni i Studentëve ka të drejtë të bashkëpunoj dhe krijoj partneritete me organizata të tjera të Republikës së Kosovës dhe organizata ndërkombëtare, brenda fushës së kompetencave të tij, për kryerjen e funksioneve me interes të përbashkët në pajtim me parimet e akteve ligjore.
2. Marrëveshjet e bashkëpunimit në emër të Unionit të Studentëve nënshkruhen nga Kryetari/Kryetarja.

Neni 9

Përfaqësimi i Unionit në asociacione

1. Për mbrojtjen dhe promovimin e interesave të përbashkëta, Unioni i Studentëve organizohet dhe merr pjesë në asociacione që funksionojnë brenda dhe jashtë vendit.
2. Aktet e anëtarësimit, dokumentet financiare të asociacioneve, informacionin për aktivitetet dhe kontributet e tyre buxhetore në asociacione, kryesia e Unionit të Studentëve duhet t'i bëjë publike

para Parlamentit të Studentëve për aprovim.

3. Në pajtim me ligjin, asociacionet e tilla mund t'iu ofrojnë anëtarëve të tyre një numër shërbimesh, duke përfshirë trajnime, ngritjen e kapaciteteve, ndihmë teknike, hulumtime, etj.

4. Asociacionet e organizatave studentore mund të bashkëpunojnë me asociacionet ndërkombëtare.

Neni 10

Struktura organizative

1. Struktura organizative e Unionit të Studentëve është si në vijim:

1.1. Kryetari i Unionit të Studentëve

1.2. Anetaret e PS në kuadër të Kolegjit Biznesi

Parlamenti i Studentëve

Neni 11

1. Unioni i Studentëve është organi më i lartë përfaqësues i studentëve.

2. Unioni i Studentëve përbëhet nga:

3. Studentë më të votuar nga viti I (parë) BA

3.1. studentë më të votuar nga viti II (dytë) BA

3.2. studentë më të votuar nga viti III (tretë) BA

3.3. studentë më të votuar nga viti I (parë) MA

3.4. studentë më të votuar nga viti II (dytë) MA

Neni 12

Mbledhjet e Unionit të Studentëve

Mbledhjet e Unionit të Studentëve thirren, më së paku 3 ditë para ditës së paraparë për takim, përjashtuar rastet emergjente.

Neni 13

Zgjedhjet për Unionin e Studentëve

1. Anëtarët e Unionit të Studentëve, si organ i pavarur, zgjedhën nga votat e studentëve të Kolegjit Biznesi, në zgjedhjet studentore të cilat mbahet çdo dy vite.

2. Zgjedhjet mund të jenë të rregullta, të jashtëzakonshme dhe të parakohshme.

3. Zgjedhjet organizohen nga Kryesia e Unionit Studentor.

Neni 14

Procesi zgjedhor

1. Procesi zgjedhor shpallet dhe menaxhohet nga Kryesia aktuale e Unionit.

2. Me shpalljen e zgjedhjeve nga Kryesia e Unionit, secili student ka të drejtë të kandidohet duke i siguruar së paku 50 nënshkrime nga studentët të PS.

3. Lista me nënshkrime duhet të përmbajë numrin e kartelës studentore me qëllim të evitimit të nënshkrimit të dyfishtë.

4. Lista me nënshkrime i dorëzohet Kryesisë së Unionit, e cila pas verifikimit të rregullsisë së listës së nënshkrimeve dhe kandidaturave, vendos emrat e të gjithë kandidatëve për votim.
5. Votimi organizohet në formë elektronike
6. Studenti i cili radhitet i dyti për nga votat, zgjedhet nën kryetar i Unionit të Studentëve
7. Kryetari dhe nënkryetari i Unionit të Studentëve të përfaqësojnë studentët në Këshillin e Lart Mësimor Shkencor (KLMSH).
8. Mandati i anëtarëve të Studentëve është dy vjeçar.

Neni 15

Detyrat dhe përgjegjësitë e anëtarëve të Unionit të Studentëve

1. Anëtarët e Unionit të Studentëve kanë detyrat dhe përgjegjësitë e tyre ato jenë:
 - 1.1. Marrin pjesë aktive në takimet e Unionit të Studentëve;
 - 1.2. Kryejnë detyrat e përcaktuara nga Kryetari/ja i/e Unionit të Studentëve;
 - 1.3. Marrin pjesë në aktivitetet e organizuara nga Unioni i Studentëve apo Kolegji Biznesi;
 - 1.4. Raportojnë para Parlamentit të Studentëve, në periudha 3 mujore ose me kërkesë nga anëtarët.

Neni 16

Përfundimi i mandatit të anëtarëve të Parlamentit të Studentëve

1. Mandati i anëtarëve të Unionit të Studentëve përfundon nëse:
 - 1.1. Shkelin Rregulloren e Unionit të Studentëve të Kolegjit Biznesi;
 - 1.2. Japin dorëheqje;
 - 1.3. Në rast të mungesave dhe mos angazhimit të vazhdueshëm;
 - 1.4. Me përfundim të mandatit;
 - 1.5. Në rast të refuzimit për raportim para Unionit të Studentëve (mbi dy herë radhazi);
 - 1.6. Me iniciativë të së paku 6 anëtarëve të Unionit të Studentëve të cilët faktojnë sjelljen ose qëndrimin joadekuat të anëtarëve;
 - 1.7. Me vdekje.

Neni 17

Kryesia

Kryesia e Unionit të Studentëve përbëhet nga:

1. Kryetari/ja i/e Unionit të Studentëve;
2. Nje (1) nënkryetarët e Unionit të Studentëve nga dega Prizren,
3. Sekretari/ja i/e Unionit të Studentëve.

Neni 18

Zgjedhja e Kryetarit/es të Unionit të Studentëve

1. Procedura e zgjedhjes së kryetarit/es të Unionit të Studentëve përcaktohet si në vijim:
 - 1.1. Kryetari/ja e Unionit të Studentëve zgjedhet nga Studentët me 50 + 1 % të votave dhe mandati i tij/saj zgjat dy vite.
 - 1.2. Anëtarët e Parlamentit të Studentëve të cilët synojnë postin e Kryetarit/es së Unionit të

Studentëve, propozohen nga anëtarët e tjerë të Studentëve apo vet propozohen, me kusht që të kenë së paku 3 nënshkrime nga anëtarët, për të qenë kandidat për kryetar/e të Unionit.

1.3. Kandidatët për postin e Kryetarit/es të Unionit të Studentëve e kanë të paracaktuar një (1) ditë për të shpalosur plan programin e tyre para anëtarëve të tjerë të Studentëve në formë prezantimi.

1.4. Nëse në raundin e parë, asnjëri nga kandidatët nuk i siguron 50+1% të votave, atëherë në raundin e dytë shkojnë për votim dy kandidatët të cilët kanë siguruar më së shumti vota në raundin e parë.

1.5. Në raundin e dytë, për Kryetar të Unionit të Studentëve, zgjedhet kandidati i cili ka siguruar 50+1% të votave nga Studentët.

Neni 19

Kriteret për zgjedhjen e Kryetarit/es

1. Kriteret që duhet të plotësohen nga kandidatët për postin e Kryetarit/es të Unionit të Studentëve janë si në vijim:

1.1. Studenti/ja duhet të jetë në vitin e I ose II të studimeve në sistemin 3 vjeçar, ndërsa në sistemin 4 vjeçar student/ja mund të jetë edhe në vitin III në programet e studimit të Kolegjit Biznesi.

1.2. Të jetë student/e i/e rregullt.

1.3. Kandidatët për kryetar/e të Unionit të Studentëve nuk duhet të jenë të përfshirë në punë administrative brenda Kolegjit Biznesi.

Neni 20

Detyrat dhe përgjegjësitë e Kryetarit/es së Unionit të Studentëve

1. Detyrat e Kryetarit/es së Unionit të Studentëve janë:

1.1. Kryetari/ja është autoriteti kryesor drejtues i Unionit të Studentëve;

1.2. Përfaqëson studentët e Kolegjit BIZNESI brenda dhe jashtë institucionit;

1.3. Organizon dhe udhëheq punën

1.4. Mbikëqyrë punën e anëtarëve të Unionit të Studentëve;

1.5. Te bashkëpunoj me organizata tjera jashtë Kolegjit dhe të krijoj partneritet me unionet studentore të kolegjeve tjera.

1.6. Të formoj klubet studentore duke promovuar aktivitete sociale, kulturore, sportive, kreative, si dhe forume për diskutime dhe debate për zhvillim personal të studentëve

Dispozitat përfundimtare

Neni 21

Në pajtim me këtë Rregullore dhe Statutin e Kolegjit Biznesi hartohen të gjitha aktet tjera të përgjithshme dhe të veçanta të Unionit të Studentëve.

Neni 22

1. Rregulorja e Unionit të Studentëve mund të ndryshohet sipas procedurës së miratimit të tij.

2. Kjo rregullore hynë në fuqi nga dita e nënshkrimit



Dekani

Prof.dr. Shyqer Kabashi